



井之堂集

卷一二

和16
465
✓



井田集序

夫文章之所以為文章者與天
地博廣與日月悠久而風雲動
於其間者所謂上世聖人之

蘇州府志

蘇州府志

元

和6
465
卷1



井之堂集序

明治廿五年十一月廿七日
森鴻以郎氏寄贈



元

夫文章之所以為文章者與天
地博廣與日月悠久與風雲動
與山壑靜是所謂上世聖人之

文章而其德其妙不可得言也
漸及奕世末季習以成文榮華
鮮榮競為韻語或結聯對雖使
風物景態最致技巧奇怪
磊々碌々徒是空文耳然本於

律呂明調音響節族之餘固出
其情實則有所可取之乎吾家
伯下幽老先生壯年勵志博涉
經史博篤搜索始有
水戶威公之名息顧太渥事載

林塘集不肯贅此其胤懋齋翁
繼仕
義公庇蔭世祿文學宏達特蒙
鷄薦選預因職平日所述作有
若干章自名井之堂集其家嫡

惟新子藝產克家尤蒙恩遇祇
役顯職官務暇日每得閒退往
往手自銘馬合為四馬一日使
余攤之是正烏烏且請題片言
于卷首自家親眷睽昵懇托何

足固辭惟為惟新子感且論說
遺書手澤慎終追遠孝思不衰
立敬永慕嗚呼其文則野氏之
言焉不失之鄙野亦宜哉
享保癸卯季秋日

眷生栳原埜沂識

井井堂集目錄

卷之一

五言律

元日二首

和竹洞主人葛東逢春韻

次韻洛陽故人見寄

史館賦子長遊

春雪

謹稅 靖伯世子二首

殘花留客

環景樓即事

病後雨夜書事

重陽

悼讀耕林先生

竹

門前青山 并序

詣顓定林君墓

南窓書事

中秋雨

清明日詣先塋

寄示清水三世

靜古亭

七夕

次韻串善中秋詩

丙辰除夕

螢

中秋

人日立春

送醫生筑間氏赴湘水養病

中秋

次韻中村惠迪寄館中諸友

壬戌元日雪

次韻東臯禪師贈元旦偶成

中秋雨

試用新製割雲硯

題大明心越禪師畫富士山

小田原香林寺大休禪師來江府賦

一律攄鄙懷

丙寅八月上丁釋菜

九月十三夜雨

驢

贈新鐫林塘集於伯行村子見惠二

律因次韻

冬櫻

和妻黃中壽我詩

佛手棋

己巳元日

遊藥王山即興

中秋陰

秋夜書懷

三月晦日作

寄伴子

七月三日偶作

送自息軒主歸洛陽

病中偶成

辛未元日恭賀我君嗣藩加官

竹墩新竹

四月朔日偶作

謝圭齋主人惠牡丹二枝

中秋賞月二首

中元翫月

中秋

悼再住花園太嶽老禪師真寂

賀篁溪中村氏母堂齡屆八十初度

恭賀我相公強仕初度

東風綠柳

寄族弟桃源謝賜峯城主豐臣公圖

四景

和篁溪村子韻二首

五言排律

次韻村止留別

戊辰穀日大雪和篁溪村子寄詩亦

得鄙句十二韻贈之

送大串子平使京

五 鑪倉雜詠

梅花

卷之二

七言律

上已憶家君在京

春日侍宴即事

奉和向陽林先生高韻

同宅順賀白賁園落成韻

謹和我 君谷島邸即事

乙巳五月二十五日先聖殿見樂舞

立秋

八月十四夜

中秋懷昔遊

春日與友遊王子

九月十三夜

九月十五夜讀管相此夕對月律詩

公追和元韻嘆其不遇

甲子夏賀我 相公閣下重修彰考

館 五日 十五日 廿五日 廿九日

乙丑元日立春雪 始 假 車

至日用杜少陵詩韻 瓜 勝

贖聖湖越禪師之長碕

林塘集刊刻新成奉之祠堂

恭賀我 大君六十英筭

卒次中村賢生壽詩韻 庭 閣 和 韻 湖

菊為端友 昔 門 法 水 出 感 塔 命 壽

早春偶抵淺草觀自性院四方梅

中秋偶登假粧坂賞月 滿 歲 計

送月坡和尚歸京師

奉賀 黃門源公致仕就邦徙居西

山新營

中秋

次長勝禪寺瑞雲和尚新歲作

新年書事

奉和我 黃門老大君應 教命講

大學三綱領於營中適聞啼鵲賦

一律

同和蓮韻

七言排律

卯花

異體

賀岳翁六十年 六言十句

風詠堂 六言三韻

花下酌 一字至十字雙句

千波香蓮 三五七言

初度日作 首尾吟

曉聞子規 六言四句

賞菊 五仄體

三月十五夜作 首尾吟

望遠行

奉從我 黃門源公歸水戶雪朝過

總州小金原 六言六句

始拜 我君綴古詩以記日時 長 勸 李 吉

將進 酒體

古篇

栗橋古河之際過急雨

赴下毛野那須溫泉詣湯泉神社

風雲亭

送宅坤德赴肥之長碕

白蓮

四言古風悼端亭迂兄

寄題菽子擴常春塢

還自水戶途中吟

丁卯上巳日與板積藤村諸友遊郊

外賦詩他日積氏輯為一卷請余

詩余不完記之賦古風一篇塞其

諸

送丹子赴水戶

從兄鶴山頌蠟梅一根今歲開花賦

古篇謝之

卷之三

五言絕句

清風明月壚酒債

六子詩

足成妻所夢詩句

春日即事

癸酉春丁告辭

次韻小川子二首

七言絕句

元日七首

丁未新正始着官賜野服

水戶府逢春

謹和 大君元日金韻

奉和我 君已酉歲旦玉韻

卒次岡道仙歲首試觚

和白子中試毫

次從弟慶友元日韻

又二首

和奉優亭林君新詩

和白子中試筆

和醫生原貞順元旦

人日立春

曉鶯

辛丑如月袒別宅生順歸常陽追和

陽關詩韻

雲谷桃蹊

忍岡釋菜題詠

春山如笑

山家霞

花盛

鶯

前川花柳

春丁釋菜

柳絮

人日後朝

丙午春丁忍岡釋菜同賦花外小車

遲日江山麗

夜思花

梅邊讀史

柳絮

舟中載花

我君恩顧于白賁園辱賀家翁七

十翁賦一絕君既高和僕亦同韻

三月盡

春雨憶故園

和紀乙輝泛篠簪池倭歌末字

旅亭夜雨

曉到熱田

登那須山望白河關

客中中秋

杜鵑

旅邸聞子規

西行柳陰納涼

五月菊

弘文院學士林先生訪家公子白賁

園公呈一絕先生賜和因同其韻

六月三日遊我君谷島別墅

長松夏寒

夏教以詩

和答端亭迂兄

脩竹不受暑

北窓涼風

端午

曉聞杜鵑

記夢詩并序

七夕

初秋書事

七月八日始聞鴈

奉和家君中元

中秋二首

中秋雨

八月十六夜

池上賞月

九月十三夜

醫家翫月

橋月

秋夜寓懷

八月十二夜霖雨乍晴月色清明

蘭以秋芳

延平秋月

己酉秋丁釋菜

高岡梧桐

釋菜後宴

謹次上公浦口翫月高韻

奉和節後菊

弟梅洞林君小祥忌

挽幡一雲叟

弟原氏哭妻

病中寄人

水甌滌筆

寄松祝

冬日牽牛花

賀風軒丹治叟齒屆古希

望月氏惠狗皮蒲團因戲寄小詩

溪水煮茶

雪後月

丁未除夕

除夜三首

除夜立春

曹植求自試表

巫山

送荻子擴還水戶

巖瀑

開書過昔

奉和家君送余赴常陽

九月盡日賞菊

送數原通玄赴駿府

先考大祥日

展重陽

和串元善冬至韻

賀養軒村老翁七十筭

癸丑元日

落花

謹和家世子賦並頭蓮

斛律明月

丁巳元日

圓夢詩

謹攀備後守岡君伯將元日高韻
一對吾兒

卷之四

七言絕句

客中元日

蠟梅

早春

後凋亭

謹次備後太守岡部公己未元日

和家妻元日詩

花帶雨得元字

三月盡日用家妻暮春詩韻

閏中秋翫月

庚申除夕

辛酉春

和家妻黃中歲首

贈隱者六首向報月報

中秋

謝備前守丹公惠清酒一罇

霞添春色

山寒花遲

春日吟步

春日遊谷中有感

秋夜吟六首

常州太田旅店簡下川子

亂道一首答下川詞兄寄示

次韻答雲堂上人

除夕書懷

瓶裏梅

春夜

春日書事

八月十六夜向曉月晴

九月十三夜

新館酌史

花下偶作

櫻下春遊

子新始言詩次韻規祝他後

赴常陽水戶朝發江府

和子革壽詩

再步前韻謝大串元善惠壽序

訪鶴山主人見賜城主豐公佳製用

其韻攄情二首

答賜城主豐公三首

雪後月

戊辰元日口占二首

春有仁德應命

風靜花香

春日書事

垂絲櫻

紅牡丹

菊二首

管相把菊

己巳上元立春

清明登墳

竹樓春望

高良山十景

花下即事

惜春

分 尊韻二十八字同賦詩得當字

關谷霜葉

水戶吉田祠得瑞字

九月十三夜

九月十五夜

夢中詩

追和管相把菊詩

鵝毛菊 醉倚客 難齊生 久 惠 苦 吟 也

池邊楓 九月十五夜 雨 前 後 吟 也

早梅得風字 字

至日贈寒菊數枝于桃源主人 高 吟

除夜 詩 吟

偶成 吟 與

春雨 吟 與 詩 吟 也

惜花 吟 與 詩 吟 也

菊是草中仙

見小園櫻花有感

春日即興

立秋夜

中秋會鍊齋翫月分韻西山公高句

為韻得斯字

辛未閏八月十五夜

再步前韻謝答鍊齋主人惠芳和

閏八月十八夜雨晴月明

再賡安積子步菊徑用前韻賦餘興

松下鶴

山寺

雨洗白菊

曉月

官園霜葉

病中

和妻黃中雪後月和歌末字

三月晦日與友遊行同賈島詩韻

寄友人

端午雨

水邊螢

菊有延年術

節後歡猶在

正月二十四日始聞鶯

春夜雨

喜春秋備考成

次小宅重信韻

九月十三夜雨晴月明

菊應翰王寺一品法親王命

次韻再住正法山嶽禪師元日

春晚四首

謝良耿齋惠古本大字詩韻

和紀一之月前納涼和歌未字

秋月得盡字

賡載大串生還鄉留別

再步前韻攄情

水仙花

元日口占

見普門院牡丹得穠字

三月盡

八月十六夜
見南京八景圖
丙子元旦口號

卷之五

賦

感興賦

荻花賦

雜著

常州鹿島郡鹿島官文庫上梁文

常州久慈郡静社上梁文

對蒲人問

明舜水朱魯璵擬策問對

弘文院林學士策問對

又前人策問對

春遊小石川邸後樂園

九月十三夜翫月記

割雲研記

常陸國久慈郡薩都神社縁起

下野那須篠原神社縁起

本生先妣人見氏家傳

卷之六

雜著

名子說

次子名說

孟蘭盆小說

時習說

講小學說

壽舜水朱先生七十筭詞

嘉定說

洗兒詞

祭孔子頌

諸葛孔明畫贊三首

神農畫贊

張良畫贊

劉備騎馬圖贊

文昌星畫像贊

衛生箴

紫雲硯銘

卦硯銘

籃輿銘

掘井弗及泉論

仁者好惡論

君子不器辨

辨蘇子詆程子

辨天皇謚號

辨天武紀

辨行世舊事紀

水戶侯源相公遷修久米願入寺

題武田信玄及部下功臣圖

讀史記

讀韓文

讀二程全書

菊徑漫談

卷之七

序跋

呂氏算書序

釋名便覽序

野服正制題辭

柳絮詩序

送春序

春秋備考序

跋莊子口義棧航

跋東見記

跋林塘集

書

寄宅坤德書

奉竹洞主人書

寄舜水朱先生書

復弘文學士林先生書

答礪慶般書

寄人乞筆書

贈人酒書

卷之八

哀辭祭文

先妣人見氏告詞

先妣野孺人小祥哀辭

題哀辭後

勉亭林君哀辭

吊勉亭林君忌日文

祭土神文

源相公祭丹治信正謚恭子文

祭明徵士朱先生文

祭岳翁法橋三好公文

相公追福靖定夫人諷誦

碑誌

故從五位下東市正水戶大夫丹恭

子碑

故致仕鴻儒卜幽軒野先生碑

淨鑑院英譽崇巖武田君碑
處姉慧了院達心目具碑陰
源龜丸碑陰
先考簡良子碑陰
故叔父懿孝子碑陰
先母圓理院法珠日意碑陰
故庶母真善院妙相日有碑陰
先祖母證真院妙貞日元碑陰

先母厚善院妙久日成碑陰
故庶母長松院妙感日應碑陰
顯妣證智院法圓日慧碑陰
高雲院日啓碑陰
顯妣清涼院妙信橘氏碑陰
顯妣長壽院妙證日禎碑陰
法橋牛菴畠山隨世碑陰
源威公墓誌

靖定藤夫人墓誌

哀文藤夫人墓誌

覺林院圓譽心月元正墓誌

源重義墓誌

青松院貞譽心光誓圓墓誌

清雲院妙慧日布墓誌

靖伯世子墓誌

從四位下侍從源賴元墓誌

井井堂集卷之一

小野傳子傳甫著

男 革惟新校

五言律

元日二首

一自來湘左初逢新歲豐
韶華山靄靄麗日水融融
花襯霞闕雪草青武野風
我家須具慶遙望白雲中

渡江春已曙東戶轉韶光節操竹添色清
心梅吐芳曆頌四時候物始一乾陽治世
惠風暖三朝講禮詳

和竹洞主人葛東逢春韻

東風生意轉四海祝豐年鳥喜陽和動人
驚歲月遷傍窓梅點玉帶雪柳裝綿遲日
長江靜一望水接天

次韻洛陽故人見寄

遲日一望中青空鴈字通彩霞京洛遠宿
雪士峯崇芳艸遍春色粉梅含暖風羨君
居輦轂萬紫闔千紅

史館賦子長遊

緬悵司馬遷遊歷幾山川鏃箭習鄉射金
函探古編龍門春浪漲湘水暮雲連大觀
曾窮得史成千歲傳

春雪

霏霏終日雪寒令奪春華冷氣凝銀海風
榮散白沙雀驚將折竹鶯傍不香花飛絮
笠猶重徘徊暮景遮

謹挽靖伯世子二首

才華殆向榮俄爾入佳城丹旒筆花濕玉
樓梁木傾云爲懷懿德孝友遺芳名長嘆
沾巾淚漣漣眼不晴
浮雲何處去玉樹忽成塵烏訪新巢主花

薰舊館人風悲九原晚夢覺一場春謾濺
數行淚慘然空達晨

殘花留客

勒幽樓柔投四字

殘紅留客處林暗竹扉幽含蘂蜂圍樹帶
香人倚樓落花遲日靜飛絮惠風柔芳逕
如茵草小車轄已投

環景樓即事

危樓雲際構檻外對長流水激鳥浮沒潮

平魚泳游涵虛漲波浪洗暑引涼秋環地
四望景迢迢入寸眸

病後雨夜書事

連日黃梅雨濛濛未敢晴燈前讀書倦簾
外鼓琴清愁絕自知字事機輒絆情病餘
眠不得通夕聞檐聲

重陽

窮秋嘉節催鄉思轉悠哉霜降授衣急風

寒吹帽來長房萸未熟彭澤菊初開齊袒

商飈會名高九日臺

悼讀耕林先生

明哲元希世博知今古通幾時看霽月何
日坐春風埋玉文章熄遺書曲几空悲夫
紗帳裏天曷奪斯公

竹

脩竹碧琅玕崢嶸千萬竿七賢遊樂去六

逸醉眠闌茂葉無秋色清陰耐歲寒遺風
蔣子徑依舊綠團欒

門前青山 并小序

當門有山群木鬱蔥佳哉美哉我日顧
提山亦青眼亦青
西山對竹扉幽處客過稀空翠濕檐外嵐
光添夕暉雲橫林更靜逕細蘚猶肥排闥
眼青了晚來鳥自歸

如 戊申九月朔顏定林君大祥也早詣
西 墳墓聊賦懷舊

墓門苔逕荒秋氣轉淒涼唯有松風韻空
餘薤露光遺文傳萬世永訣向三霜感舊
數行淚敬焚一瓣香

南窓書事

細雨乍晴時薰風綠四圍雀黏飛蝶落雞
引匹雛歸園澗兒來戲地偏客到稀南窓

讀書外無事對斜暉

中秋雨

寂間蟾空鎖佳期情未安回頭恨陰晦著

眼在雲端木葉夜添雨桂花曉送寒孤燈

詩話久無用倚欄干

清明日詣先塋

洒掃清明節采蘋拜小碑燕來尋舊主鶯

喚起長思哭草青三宿泣花紅一枝沾衣

多雨露怵惕在斯時

寄示清水三世

法橋清水三折長子齒及志學君辱

命名三生既繼業於三世期爲國手因

賦一律以伸賀

上池流久遠醫國物咸亨蘇井橘含綠董

林杏向榮禁方識丹味仁術施蒼生恩顧

賜名字期看業已成

靜古亭

逶迤多好景一字翠微中攪睡禽聲近伴
閑農語濃山深塵跡遠水濶渡舟通仁壽
靜觀處更遺太古風

七夕

淒然雲物改秋淺鵲橋旁林罅星疑露叢
間風動涼珠簾掛鈎月盃酒泛銀潢牛女
相逢夕望天各一方

八月十六日串善示中秋詩弄吟不
措遂次其韻

蕭條秋色冷二八月虧盈露結井桐落雲
收寒桂生竒談忘世慮多興易天明共憶
香萼滑西風送客情
丙辰除夕
又是一年盡窻間梅欲開兒育忘將老祿
微安不才寒燈任夜永臘酒等春來杜齡

三十九暮景切相催

螢

雨餘吟澤畔螢火亂輕輕露動長汀暗星
流踈影清御風來又往穿水滅還明誰使
學窓照車囊代短檠

中秋

西風將半夜樽瑟賞秋晴荷破碧池濶桂
生玉露清宮蟾欺晝日林鳥誤天明端正

十分滿佳期不負名

人日立春

立春侵七日勝節併靈辰葭管陽吹律菜
羹時薦新條風喜知己光霽占亘人靜看
梅有信黃額作糴頻

送醫生筑間氏赴湘水養病

離堂頻縮柳分袂數傳盃花綻春妍富草
芳生意回煙霞无妄疾藥石出群才歸鴈

湘江水便風寄信來

中秋

遭逢秋已半旦喜月之明影滿三千界雲
暗初二更桂宮輪稍輾叢露玉增清同賞
愚還智絃歌喧武城

次韻中村惠迪寄館中諸友

擬覓箇源頭共從洙泗流淡交情悃幅強
仕學優遊窮理耕書圃吟詩聳玉樓輔仁

唯此友皮裏沒陽秋

壬戌元日雪

改歲寒猶冱撒鹽雞日天松髯先得老梅
額欲爭妍屋瓦葺瓊玉階庭鋪白氈春初
盈尺雪瑞氣卜豐年

次韻東臯禪師贈元旦偶成師名儔

號東臯大明西湖人嘗來本朝我
水戶侯相公稟給居之谷島別墅為
人友梯柔順修禪之暇頗嗜琴詩書
畫

物象入新年百花正競妍清詩章煥煥健
筆氣翩翩寄信苦吟取馳懷轉渺然日溫
禪榻畔鳥靜不驚眠

中秋雨

西風何負約端正雨蕭條倚檻雲陰晦緜
書燈寂寥林疎秋葉落砌冷露華飄此夜
人天眼失明憂未消

乙丑一日試用新製割雲硯聊作

隨州鄙句奉謝君賜

恩賜端溪石琢磨新又竒金聲懷勁質水
液洗凝脂紫電搖旗影玄雲涌墨池懿哉
斯玉德當座作箴規

大明心越禪師畫富士山且賦詩於

是摘詩中之字分作詩予得下字

突兀北斗南士峯高有且玉壺擎中天冰
柱無九夏肥瘦雪淺深出没雲上下異客

此壯遊詩畫清又雅
相州小田原香林寺大休禪師與予
相識尚矣今春適來江府邂逅話舊
日賦一律摭鄙懷云
邂逅舊相識欣然眼更青
林幽鳥求友寺
邃鹿聽經春到曇花地
夢醒古栢庭塵談
終日靜禪味轉惺惺
丙寅本月上丁日隨例釋菜于先聖

隨例秋丁旦深衣拜素王
萬邦濡教化千古煥文章
德普地天施道貫日月光
嶺繫茲舍莫明信可來嘗

九月十三夜雨

此夕雖無月清遊雨亦奇
對床連酌酒伴燭共吟詩
露滴東籬菊雲冥天桂枝
寬平秋色古娥影奈愆斯

驢

之驢本無伍竒翫豈如黔積歲半千壽隨
時二六音鄭詩成灞雪李醉過華陰却愛
爾遲慢推敲助逸吟

贈新鐫林塘集於伯行村子子惠我
二律次韻謝焉

村氏文章富煥乎筆可扛百篇晞李斗五
典對孫窓雲霧字驚目陽春曲轉腔羨君
八义手秀句故無雙

惠我新詩麗碎金不事鐫執交記疇昔懷
舊落玄泉几杖空歸土羨牆幾歷年遺書
存手澤幸得集成編

冬櫻

種異後園櫻侵冬先向榮嶺梅添色淡寒
菊借香清豈擅南都羨不崇吉野名朔風
花塢晚誤見雪初晴

和妻黃中壽我詩

五句逢誕節新句巧成竒志倦低頭馬老
晞曳尾龜居安南郭儿學愧董生惟哿矣
宜家室為吾舉壽厄

佛手棋

竒果嶺南種枸櫞黃若瓜皺皮香有澤駢
指癢應紀置筭衣芬郁象筮管等差北人
觀佛手貴重遇龍華

己巳元日

埒雞晨未唱朝服入曹司暖霽懽心緒韶
華照鬢絲思加官秩重官耻老軀疲新歲
似吾者遷喬柳底鷗

遊藥王山即興

藥王山下寺寺自在東方遙野雲連地清
池水動涼禾黃雀喧噪洲白鷺翱翔竟日
忘塵世催歸送夕陽

中秋陰

端正天陰晦欄干望已空燈明環堵室雲
暗廣寒宮纔洩十分影忽爲萬頃霧姮娥
無負約應借五更風

藥五
秋夜書懷

閑居知夜永坐久未三更葉落月偏好菊
殘霜已明酒盃添氣力香篆寫心清老去
悲秋思如何獨感情

三月晦日作

東君將別我含淚立龍鐘紅樹經風變綠
陰掩戶重人傷春色盡鶯恨夕陽春日落
韶華暮何須到曉鐘

寄伴子

往歲從兄時老語余曰我藏古刻玉印
由是欲別刻印徧索西京東城之玉人
無能彫之者余家有水精方八分許屬
余友伴子曰子試彫之伴子唯而持去

頃日彫刻余姓名既成贈之如時老之
所語則本朝彫玉印者伴子其權輿乎
因賦一律寄之

爵侯非我事憑汝證書篇白玉琢成耀銀
硃染得鮮刻彫記名姓細篆巧方圓古雅
有章印斯文千載傳

七月三日偶作

歸家有餘暇晚食當膏梁久雨洗炎暑新

秋引夕涼替筇松一蓋倚枕竹方床適意
唯盃酒不知世事忙

庚午桂月謹送自息軒主歸洛陽

旅程山水長送別思茫茫飛錫孤雲影還
轅千里裝秋高歸鴈促露結候蟲傷應識
松東向是君出洛陽

病中偶成

起卧閑窗下病來擲酒卮蛩吟九秋暮鴈

打二更時庭樹歐陽賦風林宋玉悲枕頭
湯藥外一卷古人詩

辛未元日恭賀我君嗣藩加官

一氣窻全曙遷喬數嘯鶯天官承紫詔霞
瑞向紅榮殿聳耀堯日風溫逢夏正東君
新位育世澤被蒼生

竹墩新竹

篁墩六月中新竹出牆崇境與淇園接舍

于蔣徑通茂陰無伏暑碎影有清風約汝
持霜節歲寒不負公

四月朔日偶作

四月好天氣風光入眼清荷錢餘酒債竹
杖當車行鷓叫山如滴鷗閑池自平逍遙
遊曠野塵世曷關情

癸酉三月小畫圭齋主人惠牡丹二
枝紅曰一位白曰苗木共是名品也

吟翫不止遂綴蕪辭以謝之

惠我百花王
挿瓶耀草堂
朝曦低讓色
夜月墜生光
傾國楊妃醉
媚春越女粧
紅樓兼白宿
蝶夢帶天香

中秋賞月二首

快晴秋半月
喜遇此難遭
移影數蛛網
對明辨兔毫
林棲嘆杜聖
今夕飲韓豪
吟賞偶謀婦
一壺有濁醪

四時同一月
今夜得住名
輪輾三千界
簾鉤初二更
涼侵金桂動
露滴碧梧清
秋半仰端正
願言誠性情

中元翫月

秋届中元節
雲收初二更
衫衣知爽氣
盃酒酌餘清
夜半蚊雷少
林間娥影明
賞心垂老切
偏喜得新晴

中秋

仰望端正月不昔負佳名林靜金風動星
稀銀漢橫秋澄看鴈影露冷滅蟲聲老去
逢良夜詠觴太有情

悼故再住花園太嶽老禪師真寂於
常州海雲山長勝禪寺

音容今永絕封土蓋文章庭柏何難古徑
蘭不耐霜蝶驚如幻夢鹿失聽經場忽脫
紫雲衲飄然歸帝鄉

篁溪中村氏母堂齒屆八十逢初度
日以開慶筵俚語一章聊申祝賀
八旬古尚希誕節賀慈幃母德仰宜室子
賢成斷機北堂筵啓慶南極宿騰輝期見
延遐算蟠桃應庶幾

喜逢我相公初度日恭賀強仕年
算

賀君初度日壽酒酌瓊卮椿老孫枝茂松

高子葉滋海籌添鶴算南極介鴻禧不惑
春秋富猶期年萬斯

東風綠柳得龜字

乙亥仲春十三日
西山公辱餞別我

西歸使諸士及眾
僧分韻賦律詩

池塘春日遲楊柳翠眉垂窺硯燕飛靜弄
梭鶯語竒雨痕貫碧玉風手縑青絲縮去
與君別征鞍恨棗龜

傳嘗藏南京八景和歌親王及公卿

之所寫也然恨無其圖與族弟桃源
謀焉賜峯城主豐臣公聞之遂圖其
四景賜之神彩精妙感謝有餘曰仲
鄙懷以寄桃源

世家日出城將種最豪英善畫天機到好
文墳典精雲山侵座涌泉水逼床生妙絕
丹青手拂鱗健筆輕

和篁溪村子韻二首

予有詩艸煩篁溪村子觀矚子賜佳章
二篇曰呂狗尾續之

優遊經史子文學屬君家踐實將依德舍
英又咀華吟成錦心藻拈出筆頭花惠我
清詩什唱嘆玉絕瑕

官遊迷世路留滯武江城素乏才兼德幸
忘利與名老衰雙鬢皓道味寸心清喜假
運斤手鄙詞得細評

五言排律

次韻村止留別

朝來侵霧出縹緲旅心懸按轡傷生別街
孟忘俗纏眼青霞浦月黛翠筑波巔關鎖
襟松戶水紋帶絹川泥乾封堠上霜冷驛
亭前他後常陽府望雲獨慘然

戊辰穀日大雪篁溪村子寄詩扣寂
余喜而和之既亦得鄙句十二韻遂

以贈之

春初盈尺雪穀日瑞祥堆絮飛巷頭柳粉
糝年後梅園林連玉樹隣屋變銀臺黃雀
營營餓白鴉閃閃來撒鹽打窻紙煖酒撥
寒灰鎮火鼓鉦息心閑詩興催近年江城
多火故構
望火樓置鼓
鉦知其熾滅

送大串子平使京

江城雨乍晴分手送君行
綰柳樹陰暗望

榴山火明長途五十驛短堠百餘程
故里啼鶻羨薰風嘶馬輕使無子華富恩有買
臣榮祖帳互傳蓋悽然多別情

鍾倉雜詠

秋晴催做裝籃輿入鍾倉昔聞來群國今
看遺七鄉平軍沒西澥源氏起東方霸業
盍多世威權幾十霜北條驕自滅足利武
維揚代亂帥為慕容姦命靡常要期偷寶

器遂及解皇綱依舊河山羨積年草樹荒
叢林門寂寂苔徑露瀼瀼扇井碧梧落葛
原黃稻香假粧坂艱嶮荏柄廟蕃昌台嶺
高而秀獅巖勢若狂一覽亭突兀巨福路
悠長回顧新宮社指呼古戰場莊嚴英勝
寺傾破法華堂江島頂森鬱由比濱渺茫
衝潮通金澤絕景似瀟湘漁網錦鱗躍行
舟帆腹張迴汀迎霽月殘夜促朝陽隱欲

棲龜谷神如在鶴岡扶筇閑問訊載酒或
聊浪民舍犬鷄少農田鴻鴈行追懷千歲
上慘怛使人傷

梅花

孤標殘臘破東閣一枝芳五出餘寒淺南
檐數點粧清癯聊友善斟信是人望水底
珠無類山中曆有祥軍持薰徹室逢掖編
擅牆欲伴蕙蘭畹得先桃李場登欄描影

月向曉撚髭霜相背蜂兼蝶爲容鴛與鴦
春魂還庾嶺宮樣劬含章裊裊千金質芬
芬萬斛香通情顏傳粉索笑額塗黃糝曲
橫溪石玲瓏照夜牀冰姿脩竹外冷艷短
籬傍木以好文稱實依賚弼嘗仙童幽夢
覺儒者美名揚程彼玉如色宋他鐵作腸
輕飄風片片高映日煌煌穠矣六花白郁
乎百葉細半披宜雨露早秀倚池塘叢菊

莫專隱牡丹須讓玉飛來撩筆硯採去泛
壺觴天下之尤物西湖卉最良林間斯妙
品上苑種難量窺朶和煙折巖馨遠樹長
開時凝眼賞落後寓心傷詩興嬌鶯促笛
聲舞鶴翔生涯曾學圃老大未外堂
王荊公梅
詩髭撚黃
金危欲墮

井井堂集卷之二

小野傳子傳甫著

男 革惟新校

七言律

上巳憶家君在京

韶景林温群萼競踏青傳盞酌佳辰燕聲
借問粉榆社蝶夢交通花柳春霞隔西關
馳望遠潮生東海寄書頻長安水畔咏歸

處想見舞雩風浴人

春日侍宴即事

勝地尋芳雅會催
傍隨乘興共徘徊
鸞遷青柳奏歌了
蝶戲白櫻獻舞來
韶晷風輕吹綺席
彩霞日靜映銀盃
瓊筵待宴三春晚
花氣濃薰渡水隈

奉和向陽林先生高韻

向陽林先生講易後日傳侍函丈請益

終日適懷杜鵑詩以乞雌黃辱賜高和
及歸附佳什一篇寄示家公家公悅而
奉和由是不忍箝口謹賡載之

辱同硯席共吟安講舌潤來龍鳳團道學
優遊偏好古風騷閑雅欲登壇六十四卦
明著策三百篇詩入筆端環堵日長宜問
字且看文藻富波瀾

家公年近致仕結廬于白賁園宅順

作詩賀其落成公和之余亦同其韻
把茅新築謝塵事杖屨愉情日步林清藕
開敷君子趣閑鷗自適主人心碧池交影
水紋篔綠蔭含風野服襟一案聖經真活
計研精覃思道根深

謹和我 君谷島邸即事

夏日陪 君高閣上千村萬落遠相臨清
波繞岸引羅帶勝景乘涼披服襟小艇搖

搖將學棹薰絃颯颯自彈琴坐來脫却炎
蒸苦殿角南風水氣侵

乙巳五月二十五日先聖殿見樂舞

偶聞古樂忍岡上離合相調已大成左右
兩朋鐘答鼓東西六律笛和笙雅聲妙絕
隨風響舞袖飄揚映日明聖殿繹如長慶
子鏗鏗盈耳有餘清

立秋

爽氣西來湘水東
秋光冷冷露穠穠
橫空行鴈過秦塞
報晚吟蟬向漢宮
暑醉頰醒茅舍下
涼聲乍起竹林中
也能示曆梅花外
桐樹初飄一葉風

八月十四夜

半霽半陰天柱上
幾望待月仰東方
一年良夜合先賞
萬里頑雲不洩光
金井涼驚桐葉落
銀河風竊桂花香
爲看二七秋容

影客宿無眠
曉漏長

中秋懷昔遊

遭逢端正好
天氣相對清
光記昔遊棲鳥
見毛楓樹岸
候蟲襍耳
荻花洲去年共賞
常陽月今夜孤吟
武野秋強倚庾樓
回首處雲深水遠
思悠悠

春日與友遊王子

春遊携友江城北
王子宫前小路斜
廣野

農歌耕井畝踈牆犬吠護田家
芳林傾酒未為醉
細雨沾衣何足賒
深鎖風光人寂寞
唯看蜂蝶領繁花

九月十三夜

酷憐九月十三夜
雲霽蟾宮明入眸
亭子濫觴脫蹤日
長和啓席繼華秋
獨吟寂寂忠通句
老淚湫湫京極愁
天識人間遊賞意
應分清影照靖洲

九月十五夜偶繙菅相後集熟讀此

夕對月律詩不耐幽恨
追和元韻以嘆其不遇

菅公當路素魚頭
老謫西州如水投
主閣譏臣仍得寵
風顏賢相却成囚
千村鄉里千般思
萬頃海濤萬斛愁
月似羞供金闕宴
今霄故伴草萊秋

甲子夏我

相公閣下重修彰考館

於邱內高岡命編修史臣從因作鄙
句以劬燕賀

光高彰考館頭字燕賀重修將卜居五地
七天垂竹帛百王一姓盛冠裾南窓資始
曆皇紀東觀韞歲太史書却恐闕文兼淺
學屬辭此事有遺餘

乙丑元日立春雪

天公降福雪呈瑞元日併催逢立春行路

徘徊人珮玉朝堂凜冽地鋪銀梅粧窓下
素肌密松老庭前白髮新正朔更頒貞享
曆菜盤椒酒競斯辰

至日偶吟杜少陵詩遂用其韻

四序運回歲月催又逢至日一陽來抽毫
猶呵硯中凍又手頻吹爐底灰鄜縣傲霜
延壽菊嶺頭動暖返魂梅鬢絲亦劬添宮
線笑向寒風數舉杯

大明聖湖越禪師與予締方外之交
丙寅秋其兄蔣尚卿乘槎來肥之長
碕禪師速駕往見因賦一律贐其行
第跨江山兄蹈海暫時邂逅故園情音容
遠別友之日骨肉幽尋蓬又瀛萬里溟鵬
雙翼擊孤雲野鶴一身輕憐君碕港班荆
後南去北來復隔生
林塘集刊刻新成時遇至日奉之祠

堂告辭祭奠遂開筵與童僕共爲歡
終朝雲物復陽天籟豆茲陳祭袒先筆硯
勵勤羞不器箕裘繼業次遺編葭吹候律
管灰動梅著深衣編袂擅家集而今新壽
梓流芳後葉萬斯年

丁卯夏六月十日喜逢我大君初
度佳節恭賀六十英算
懸弧佳節肆瓊筵六甲新週欲學仙履道

九者須讓德睢陽五老豈專賢薰風度曲
紗窓裏瑞靄呈祥玉几前東海籌添筑山
壽又教龜鶴假遐年

卒次中村賢生壽詩韻

聖謨設教知天命五十而今不覺非契執
金蘭交意篤詩裁錦繡俗情希綠陰投老
鶯疎懶文苑偷閑鷓退飛迎客壽筵宜當
樂南風絃有入簾幃

菊爲端友

叢菊由來屬重九冬餘遶舍傲霜枝歲寒
抽節伴松樹朝露摘華傍竹籬栗里風香
官弃擲南陽水義壽期頤花舍往昔虎溪
笑三逕高標佳色竒

早春偶抵淺草觀自性院四方梅

自性院中遲日暖四方梅盡發韶華難波
同態香猶遠庾嶺返魂枝更斜月入紗窓

描樹影風搖粉豔拂朝霞正須不費評章
筆呼作江城第一花

中秋偶登假糴坂賞月

王母糴成假糴坂出奩寶鏡屬中秋御旗
山近光風戰由比濱長銀浪浮咫尺蟾宮
手將捉幾多鳥宿羽焉瘦遭逢勝地與良
夜再會何期此壯遊

送月坡和尚歸京師

首夏治裝華洛路薰風分手餞行遲金蘭
交淡情親暱庭栢眼青心倔竒千卷千書
唯悟了一餅一鉢是生涯送君休唱陽關
曲酒戒堅貞歸國時

黃門源公致仕就邦徙居西山新營

恭奉燕賀呂仲鄙懷

蓋世功名一世雄棲遲養志躡清風雲門
幽邃自成逕岫幌縈紆新築宮鴻鵠高飛

傳四皓江山信義換三公願言認得煙霞
趣早晚從君杖屨中

中秋

去年吟月假粧坂今歲賞秋江戶城白露
滴時梧葉冷銀河斜處桂香清眼看東野
玉輪輾耳滿前村歌管聲雅會喜時端正
夜凭欄傳盞到天明

壬申春次長勝禪寺瑞雲和尚新歲

作

傳燈嗣法由來久新住長勝仰袒風古寺
眼青庭上柏多年手熟榻頭椽韶光入句
詩章艷寂滅融心禪味濃待見花園春暖
日紫雲衣映海霞紅

新年書事

一自宦游三十歲世波涉嶮幾沉浮鄉齒
數與洛書合朝賀禮追夏正求物化生隨

秦陽改功名情向老年休鬢絲雖被春輝
照依舊猶堆雪滿頭

木狗余月念六日我黃門老大君
應教命講大學三綱領於營中適
聞啼鶻賦一律既歸示傳拜讀數回
不勝唱嘆遂忘固陋賡載以摠鄙情
德邵才高傑出生潘江陸海以文鳴懸河
論說聖心豁迥泗泳游人意驚玄鳥雙飛

成翼勢黃鸝和答讀書聲講經辨義舉綱
領節解支分周孔情

同和蓮韻

水殿近臨芳草塘芙蓉拍岸晚風涼高擎
青柄張羅蓋徧把碧簟代玉觴宮黛紅粧
比楊季露華粉色訝何郎凭欄相對花君
子遺愛于今飄古香

七言排律

言李卯花

雲卯花一種未聞異邦有之本朝和歌者
 昔流振古賞之至題詩者唯大江佐國一
 章而已釋蓮禪句曰兔花牆外曉傳聲
 豈乃卯作兔蓋此花孟夏盛開俗呼四月
 兔謂卯月則取諸花時此花潔白似兔毫
 則取諸花色方今追和大江詩韻聊劬

其體

以月呼名更不叨花顏故似兔霜毫佐藤
鎧色一時賞源氏旗光千歲高蘆外閑睡
鷗傍渚林間飛舞鶴鳴臯香枝芬馥於銀
菊玉葉燦鮮于碧桃素雪堆牆飄柳絮白
雲滿地照松醪當初曾翫人何處籬下無
言李伯勞

六言詩

異體

賀岳翁六十年算

六言十句

岳翁齡迨耳順逢懸弧節親戚設宴以
介眉壽傳時在江府不侍獻壽作鄙句
六十言用申龜鶴之祝
六旬慶會式燕喜逢誕辰維嘉甲子周躋
老域庚星煥添髮華種杏滿林結實蟠桃
長春醉花和氣融鴻禧至瑞雲藹鶴算加

鄉齒尊宜杖策猶祝南山壽遐

風詠堂六言三韻

春花灼然成艷秋月皎兮揚明堂小多得

勝景林靜好聽鳥聲點也風雩意思千載

將豁人情

花下酌一字至十字雙句

花花觀雪表霞濃色麗清香嘉暖和堪愛

陽艷示奢嬌鶯歌睨睨戲蝶舞袞袞倚芳

當作娉娉

樹張繡幕輾青州推小車柳塘遙連引帶

水杏村頻過入酒家以教以遊辱陪宴席

是酌是飲聊賞韶華小戶將既醉匪李一

斗短才欲苦吟乏溫八又興長寫出情懷

惜芳春暮坐闌忘却歸期對夕日斜

千波香蓮三五七言

山環沼亭枕塘碧荷排圓蓋紅蓮競新粧

西湖縮地暗偏好瀛溪遺愛今復芳

初度日作首尾吟

丁卯夏五月初八日子逢誕辰男革肆
筵招諸友賀予五十算因賦首尾吟以

簡諸友

曷知四十九年非白首無聞艸芥微兒忘
衰朽歡壽算我逢初度憶親闈功名已負
蓬弧志放散空為櫟社圍半百老翁今不
是曷知四十九年非

曉聞子規

六言四句

蜀魄叫海雲曙倚庭樹聲轉哀何以不如
歸恨啼破我鄉夢來

賞菊

五仄體

杖屨認舊約馥郁菊徑裏湛露茂綠葉細
雨浥玉葉引壽汲鄴水慕隱憶栗里節後
巧冷淡歲歲會不已

三月十五夜作

首尾吟

一年春事刻金宵月上紙窓花影描吟賞
啣杯眠不得一年春事刻金宵

望遠行

頃日我黃門源公作望遠行雙調送
井上安積二子歸江府兼命傳等觀焉
拜讀唱嘆恭倣高韻寄中村氏于水戶
清隱山棲君子堂春暖愛秋涼此身將此
世都忘覓句每稱觴○霜重樹葉離離上

公東臣居西人生多別又何為時燠時寒
歷三來噫獨老駑蹇奉謁也無期

奉從我黃門源公歸水戶雪朝過

總州小金原

六言六句

一夜春雪皚皚頃刻花滿朶開老矣松髯
化白無香爭知早梅人忽作吳天望踏破
銀世界來

癸卯六月念五日始拜我君曰綴

古詩以記日時

勸李長吉將進酒體

癸卯夏寬文年薰風六月念五天晨曦赫
赫曙雲開紅日初上武野邊中有一草不
秀玉露乍借恩光本是長安一布衣一朝
選入翰墨場忝拜君顏青雲上德澤潤
下身永無疆

古篇

栗橋古河之際遇急雨

行盡幸手二里餘西風颯颯殘暑除野頭
遙望千里目馬上唯看一卷書雲黑乍開
水墨屏雷震時發阿香車栗橋渡口逢急
雨古河城外漲大渠翠蓋歌傾倚松樹碧
圓浮拍飄芙蓉遠山兀如宿酒醒秋天欲
晴陰霧疎

庚子秋赴下毛野那湏溫泉詣湯泉
神社中有鏃箭五乘及蟆目傳言藤
與一宗隆射扇子西洋餘矢也
曾詣湯泉神幽宮閉寂寂下毛野更遐那
湏地最僻薙草童笠簑負薪樵袒裼溫泉
目下湧澗水左邊滴逢人問宗隆揚名在
元曆揮戈水陸陳鳴鼓西東敵開扇遙泛
舟放矢如中的源兵得勝利平卒已敗績

流芳四百年今見蟆目鏑

風雩亭

相攸篠筥畔築成風雩亭前池臨碧浪後
山疊翠屏睡鷗閑傍渚遊魚躍衝萍松風
還檐滴點瑟斷續聽主人箇中樂滿架有
聖經詠歸更無事幽居自平寧

送宅坤德赴肥之長碕

夏閏五月歲甲辰南風綠水東相濱露露

槐窓雨初晴持盃憂此送人人生底事
輒齟齬來來去去參與商哇咬欲歌陽關
曲無奈雙淚轉萬行嗟彼交遊歡樂少尋
常蒼皇別離多昔在仁人送以言而今將
如我謏才何垂楊陰中新蟬吟三秋思綰
風條長四鄰聲聲報晨雞殘月照子征衣
裳朝來袒帳催儆裝馬蹄揚塵方首路路
程悠遠幾千里備嘗嶮難自一步陸行五

十有三驛絕山依谷又經丘既到浪速蹈
西海趨泥下湍幾置郵願言徒旅共無恙
歸藩晤語也在邇處處壯觀子須記勝景
寫在筆鋒裏告我此行大君使奉命之趣
語云云公事無盥往欽哉忠無貳心職有
分君不見蘇武在胡十九年賓鴈寄信持
苦節又不見晁卿入唐爲秘書遺芳異域
名不絕况是扶桑廣輪中十月之交是歸

期歸期無過子去後賢母倚門日邈迤臨
別殷勤將交手筆拂鵝溪伸不平紫陽到
日應回頭白雲生處在江城

白蓮

藕花如拭一池塘夏天更添玉露光出泥
不染無蔓枝青油柄上翠蓋張白羽扇翻
片片輕引得南來一味涼曲渚誤見鷺聯
拳長洲却疑鶴翱翔清似湘浦二女貞何

論解語貴妃粧素質亭亭涅不緇故有君
子佳名揚君不見瀛溪遺愛周公光風
霽月認流芳又不見廬山社友陶彭澤攢
眉去不向上方斯花用舍亘擇居一薰一
蕕勿相妨碧波洗得暑塵去清氣滿簾十
里香

四言古風悼端亭迂兄

霜風乍起花草具腓秋陽以暴薤露易晞

命矣易簣物也入機音容兩忘魂魄何歸
生計學優師範功巍黽勉績文遜讓韜輝
書館修史講堂闢幃詩戰筆陣勇挫羽飛
雅風騷詞意仰陶韋借我淡交教愚發揮
倡酬許多晤語無違一訣永隔萬事皆非
姪甥主喪親疎沾衣我慟無窮撫膺嗟歎
寄題荻子擴常春塢
城西境靜人亦靜三三徑裏路透遲主人

手自栽百卉旦暮培養枝葉滋梅花雙蒼
資始曆番信方追氣候移卓午日暖苑薰
蒸晚來風輕送香竒或傍屈子芳蘭畹以
隨陶令黃菊籬苑中自有端伯友杖屨畢
景意益彌白宿紅棲何攸似莊周化蝶夢
熟時可憐常陽常春塢百花無時不分披
還自水戶途中吟
四言七十五句
癸亥閏五月
東方未明發水戶城雨侵殘夜人帶淚征

瓜時有期刀頭如盟我馬我僕蹄足共輕
笠原野曠千波池平筑嶺如黛朝霧如晴
長岡驛舍爰啓周行我君有德澤暨蒼生
年稔國豐萬物咸亨小幡富庶日出耦耕
出疆二里高原編氓府中供頓其嘗菜羹
杜鵑彷彿似訪客情霞浦左連山路崢嶸
城隍逶迤櫻河水清竹輿影斜朱華西傾
促織近秋晚蟬亂鳴夜宿牛久蕞爾門衡

館人奔走沽酒捧罌枕簟苦熱旅魂乍驚
蚤虱刺肌蚊雷喧轟耿耿不寐坐對燈檠
遠寺鐘響茅店雞聲取次治具發自曉更
綃川引帶砦渡舟橫小金廣莫不礙眼睛
牧馬嘶風麋鹿食苹卓午卸駕暫憩涼棚
池蓮淨植翠蓋高擎經過松戶武關擁營
千壽長流輿梁已成露食星餐百八十程
江都真羨比屋增榮遙指吾廬二子歡迎

及入柴扉復有卿卿

丁卯上巳日與板積藤村諸友出遊
郊外諸友賦詩詠歌余亦綴詩他日
積氏輯為一卷請余詩余老健忘不
完記之因追懷之賦古風一篇塞其
請

丁卯三月上除日日暖霞晴辰亦良侶我
同志三四子踏破青青到池塘柳傍清流

垂絲綠草鋪幽徑鞋底芳一年春色今將
惱共尋詩景登忍岡滿山列植白櫻樹開
落爛熳千萬章遠淡拂眉競國面近濃動
脣楊妃糝樹杪凝眸白雲過輕風吹面素
雪香林間相攸班荆坐竟命行厨稱酒觴
文談詩話互唱和拍肩挹袂又鴈行諏訪
叢祠感應寺遲遲信足自徜徉我友耽學
才富饒陸江潘海杳渺茫和歌之什襲山

柿雅頌句成壓蘇黃一醉一詠行又留紅
意綠情引興長我性襪線且老矣強畫胡
盧搜枯腸鶯歌曲閣集喬木戲蝶舞了過
短牆多少風景未吟盡暮鐘寸筵抑更揚
君不見山陰蘭亭修禊事遊目騁懷人共
亡又不見長安水邊麗人淑青鳥飛去亦
須傷人間盛事幾時在死生本是奈無常
爲嘆雅會不可再植杖舒嘯愛夕陽

送丹子行赴水戶

土蛇秋八月丹子行始赴水戶予奉從
我君來往十餘回備知艱險於是漫筆
途中之少槩作古風一篇以為送別之
詞

社燕北去鴈南來相逢相別物皆然新涼
入郊木葉戰秋氣蕭索八月天君是治裝
動行色更說心思開離筵艱阻備嘗三日

程超山涉川短堠連消魂橋長千壽驛駸
駸嘶風鞍馬前村北兩岐君忽愆從此常
奧道既分葛西松戶草隄遠左顧右看池
蓮薰小金我君田獵地鳥鴈盈野鹿為群
取手渡口水渺渺黃郎操舟宛如神行旅
誤見櫻河上紅楓依稀百花春上下土浦
十八坂霞浦月與合浦鄰收穫鼓譟稻石
村雨足零森露華清經過高原我封境擊

壤歌闋唱治平茂陰鬱葱筑波頂斫額近
指水戶城殷勤寄言君須記回首日望白
雲生

從兄鶴山宅後有蠟梅去年乞頌一
根移種我樂彼園中今歲開花因賦
古篇寄謝之

此花本是真蠟種遷徙大宋佳名揚近世
偶聞來皇朝珍竒移栽玉堂傍阿兄宅後

一根在累年碩茂被短牆我乞頌得一小
幹養視饒培不害長森然扶疎生兩葉今
茲始見較吐芳蓓蕾數點舒金瓜玉綴綠
刺度暗香香蠟鎔成花冷艷疎影擬梅淡
塗黃內有紫羅巧裁剪護持中心粉色糝
蜜蜂集枝欲飛晚凍蝶未知洩春光清姿
孤立凌冰雪宛似不競桃李場麝臍含風
欺韓壽嬌額映日學壽陽唯恨不入唐人

句賴有蘇黃陳晁章樂彼園中臘寒日日
涉小逕搜詩腸

Handwritten mark or characters in the top left corner of the left page.

Handwritten mark or characters in the middle left of the left page.

Handwritten mark or characters in the middle left of the left page.

Handwritten mark or characters on the left edge of the left page.

Handwritten mark or characters on the left edge of the left page.

Handwritten mark or characters in the top right corner of the right page.

Handwritten mark or characters in the top right of the right page.

Faint, illegible text or bleed-through from the reverse side of the right page, appearing as light greyish characters.

